



LIBRARY  
OF THE  
UNIVERSITY OF ILLINOIS

# INDEX SCHOLARVM

IN

VNIVERSITATE LITTERARIA FRIDERICIANA

HALENSI CVM VITEBERGENSI CONSOCIATA

PER AESTATEM

ANNI MDCCCLXII

1862

A DIE XXVIII. M. APRILIS VSQVE AD DIEM XV. M. AVGVSTI

PVBLICE PRIVATIMQVE

HABENDARVM.

Th. Bergh


De quibusdam in consociis Plantis

---

HALAE

FORMIS HENDELIIS.

1. The first group of people who are not in the labor force are those who are not in the labor force because they are not in the labor force.



VNIVERSITATIS FRIDERICIANAE  
RECTOR  
IVSTVS LVDOVICVS IACOBI  
CVM SENATV  
S. D.  
CIVIBVS SVIS.

---

Shakespearium poetarum omnium, si ab Homeri divino iugenio discesseris, facile principem homines docti apud Britannos, cum in popularis sui fabulis insignem iuris civilis prudentiam deprehendissent, aliquamdiu publico scribae munere functum esse suspicati sunt. Quod si eiusmodi argumento ad rem, quae testium auctoritate prorsus caret, comprobendam uti liceat, eandem coniecturam fortasse probabilius de Plauto facere possis, qui ut Britanno poetae multum cedit, habet tamen quandam ingenii similitudinem fuitque illi praeter alios exemplo. Sed quamvis in Plautinis fabulis multa reperiantur, quae ad leges et ius civile et antiquitatis instituta spectant, non tamen hoc argumento ad istam suspicionem muniendam abuti decet: ea enim tunc gentis Romanae erat vita, ut etiam ii, qui a re publica gerenda et a forensibus negotiis procul abessent, tamen patria instituta, leges, iuris civilis consuetudinem satis tenerent. Itaque etiam qui nunc criticam artem in Plautinis comoediis facit vel praestantissima haec latini sermonis monumenta interpretari suscipiat, harum rerum non plane ignarum esse oportet, quamquam sane iurisconsultorum est accuratius haec perscrutari et examinare.

Multum ac diu me tenuit locus in Plauti Menaechmis, qui legitur IV. 2. v. 578, ubi Menaechmus graviter conqueritur, quod patroni clientium causa plurimos labores in se suscipere cogantur. Adscribam autem hunc locum non quemadmodum nostra aetate homines docti correxerunt, sed ita ut codex Vaticanus (B) exhibet, librariorum diligentia, qui antiquum ali- quod exemplum religiose descripserunt, maxime commendabilis:

Qui neque leges neque aequum bonum usquam colunt  
Sollicitos patronos habent.

Datum <sup>aut</sup> denegant quod datum est . litium pleni rapaces viri fraudulent.

Quia ut fenoreæ periuriis habent rem paratam . mensē in quo re  
Lis viris ubi dicitur dies simul patronis dicitur.

Quippe qui pro illis loquantur quae male fecerint.

Aut ad populum aut in iure aut ad iudicem res est.

Sicut me hodie nimis sollicitum cliens quidam habuit . neque quod volui

Agere qui cum licitum est . ita me attinuit ita denuit.

Apud aediles proeliis factis plurimisque pessimisque dixi causam . condiciones tetuli tortas  
confragas

Aut plus aut minus quam opus erat multo dixeram controversiam  
 Vt sponsio fieret. PE. Quid ille? qui praeda dedit.  
 ME. Nec magis manifestum ego hominem unquam ullum teneri vidi.  
 Omnibus malefactis testes tres aderant acerrimi.

Multis hic locus difficultatibus laborat; nam et numeri versuum saepius sunt perturbati vel incerti, nec oratio satis recte usquequaque procedit, neque satis planum est, quid potissimum Menaechmus importuno clienti vitio vertat, quamquam totius soliloquii institutum et consilium haud est obscurum. Praecipuam corruptelam delitescere in v. 592 apparet, nam *controversiam* nullo pacto cum praegresso vocabulo *dixeram* licet coniungere, neque magis convenit cum iis, quae subsequuntur: labem autem hanc iam antiquitus esse contractam codicum consensus ostendit, nam etiam Ambrosianus liber eadem exhibet. Itaque Ritschellius, cum iam priores, ut inveteratum malum expugnarent, varia sed frustra tentavissent, scripsit:

Plus minus, quam opus fuerat dicto, dixeram, ut eam sponsio  
 Controversiam finiret. quid ille? quid? praedem dedit.

Speciosa haec coniectura sane cum totius loci instituto bene videtur conspirare, siquidem Menaechmus auctor est, ut sponsione facta lis dirimatur,<sup>1)</sup> verum tamen vel trajectio illa verborum non satis probabilis est.

Leniorem medicinam nuper sibi visus est reperisse Joh. Vahlen Vindobonensis, qui in Mus. Rhen. XVI. p. 633 locum hunc ita conformavit:

Plus minus, quam opus fuerat dicto dixi, eam controversiam  
 Ut ne sponsio differret<sup>2)</sup>. quid ille? quid? praedem dedit.

quemadmodum iam Bothius *duxeram controversiam ut ne sponsio fieret* legendum esse suavit. Sed et ipsa coniectura prava est, et vir doctissimus, cum hanc suam coniecturam tueri conatur, parum cavisce videtur. Existimat enim actorem sponsione adversarium provocavisse, Menaechmum autem, qui clientis causam agebat, operam dedisse ne sponsio fieret: nihilominus illum contempto patroni consilio petitori praedes dedisse. Qui Plautinis fabulis operam dare velit, eum iuris civilis non plane imperitum esse oportet, sed quae de hoc loco disputata sunt, ea non solum ipsa sibi adversantur, sed etiam pugnant cum Romanorum institutis ac moribus. Dicit Vahlenus Menaechmum nolle ex sponso agi, quoniam rem proferri nolit: at Vahlenus non animadvertit, quid inter sponsionem voluntariam et necessariam intersit: quae de sponsionis periculis dicit, ea omnia ad necessariam sponsionem spectant: Plautinum autem locum ad voluntariam sponsionem referendum esse manifestum est: nam si sponsionem fieri oportebat, prudenter egit Menaechmi cliens, si sponsionem non recusavit, patronusque, si diem dissuadendo contrivit, ipse, neque vero is cui aderat obiurgandus erat: sin ipsis magistratu non iubente litem sponsione componere placuit, ista quidem sponsio haudquaquam remoram faciebat, nam si qui sponsione contendebant, is qui sponsione vicit, etiam eius rei, de qua agebatur, causam obtinuit omnisque controversia peracta fuit. Quare Ritschellius rei satis convenienter scripsit: *ut eam sponsio controversiam finiret*, quamquam eum postea huius consilii poenituit, ita ut in Bothii sententiam discederet ac negantem particulam adderet, id quod etiam Vahlenum in hunc errorem induxit. Deinde Vahlenus neglexit discrimen, quod inter sponsionem praeiudicalem et poenalem intercedit: namque illa sponsione facta etiam si quis causa cecidisset, non tamen summa sponsionis exigebatur, id quod Gajus IV. 94 ostendit. Denique Vahlenus quae in iure et quae in iudicio aguntur confudit: existimavit enim, ut

<sup>1)</sup> In editione minore, quam non vidi, Ritschellius ex parte sententiam suam retractavisse et *dixeram ut ne sponsio controversiam finiret* scripsisse perhibetur, quod cur improbandum sit, paulo post ostendam.

<sup>2)</sup> Vahlenus *differret* scripsit, sive casu, sive ut antiquitatis specie suam coniecturam commendaret.



videtur, haec, quae Plautus attigit, apud iudicem fieri, ut si cliens patroni obtemperavisset consilio, omnis illi potuisset perire, ut iam nullum amplius inde negotium patrono exoriretur. At Casinae Plantinae locus (III. 3.), quem cum hoc componit Vahlenus, plane est dispar: ibi res in iudicio agitur: Stalino, qui cognato alicui praeter animi sui sententiam fuerat advocatus, moram sibi occupato factam esse indigne fert, sed tamen hac re se solatur, quod litem perdiderit ille, qui tam intempestive sibi negotium facessiverit. Hic vero apud aediles res agitur, et Menaechmus potissimum id indignatur, quod cliens spreverit callida consilia, quae ipse ei suppeditaverat.<sup>3)</sup>

Hunc igitur Menaechmorum locum parum recte intellexit Vahlenus: neque enim curavit verba gravissima, quae supra leguntur: *condiciones tetuli tortas confragosas*,<sup>4)</sup> quae satis superque docent Menaechmum haudquaquam nolle rem per sponsionem agi: homo enim versutus callide actorem sponsionis tendiculis circumretire conatur, ut ipsius cliens per illud, quod dici solet, sive nunc se possit expedire: ille vero magna confidentia elatus iurisque calumniis spretis non vult sponsione contendere, sed lege agi.

Unus O. E. Hartmannus, collega clarissimus, in libro de ordine iudiciorum I. p. 106, ubi hunc ipsum Plauti locum adhibuit, haec verissime explanavit,<sup>5)</sup> ibidemque (p. 89 seqq. et p. 109) ostendit, Romanos inde ab antiquissimo tempore ex aequo bonoque lites componere ea-que de re magistratus adire solitos esse, inprimis autem tribunos, postea aediles controversiis plebeiorum dirimendis operam dedisse. Haec igitur si sequimur, statuendum est petito-rem et eum unde petebatur apud aediles inter se transigere: Menaechmum, quem cliens advocatum adhibuerat, auctorem esse, ut ex sponso agant: sed clientem denique sacramento, quam

3) Non est meum aliorum errores exagitare, sed importunum reprehensionis munus illis, qui gloriolam ex aliorum detractione quaerunt, lubenter relinquo, neque tamen semper licet, quae ab aliis minus recte tractata sunt, silentio praetermittere, ne illorum erroribus alii decipiantur. Adscribo autem quae Vahlenus de hac re disputavit: „Der Beklagte hat die von dem Kläger proponirte *sponsio* acceptirt. Menaechmus, der von der Schuld seines Clienten überzeugt ist, staunt über diese Verwegenheit . . . Ihm war es offenbar darum zu thun, nicht dass eine *Sponsio*, sondern vielmehr dass keine zu Stande käme. Daher Bothe Recht hatte *ut ne sp. f.* zu schreiben . . . Ferner kann *controversiam* nicht zu dem vorhergehenden Satze gezogen werden . . . Gehört dieser *Accusativ* aber zum Folgenden, so kann *feret* nicht richtig sein, wofür Ritschel *finiret* schrieb . . . Aber dagegen sprechen zwei Gründe. Erstlich war die *sponsio* nach Römischem Recht nicht der Abschluss des Processes, sondern eher eine Vertagung, indem nach Annahme derselben die weitere Processverhandlung sich zunächst auf diese bezog, und den Beklagten einer doppelten Gefahr aussetzte, den Process sammt der spondierten Summe zu verlieren. Sodann, wäre die *Sponsio* der wirkliche Abschluss des Processes gewesen, so hätte Menaechmus kein Interesse gehabt, seinerseits ihr Zustandekommen nicht zu wünschen. Es würde wie in ähnlichem Falle der Patron in der *Casina* III, 3 selbst gegen die sofortige Verurtheilung seines Clienten nichts einzuwenden gehabt haben. Eine *sponsio* perhorrestirte er offenbar darum, weil der damit nur hinausgeschobene Process ihm als Patron noch einmal die widerwärtige und zeitraubende Pflicht des Beistandes aufhalsen würde.“

4) Pro *tetuli* Ambrosianus et Bb *detuli* praebent, quod non solum metro adversatur, sed etiam minus aptum est: nam quamvis *condicionem deferre*, *condicione delata* dicatur, tamen tum demum dici solet, ubi condicionem, quam quis fert, alter accipit et probat. Huic loco convenit *ferre condiciones*, quae solennis est locutio, vide exempla ab Hartmanno de ordine iudic. collecta p. 106, atque etiam alliteratio hanc lectionem commendat, itaque iam ipse improbo, quod aliquando conieci: *retuli*, ut postquam petitor tulerat condiciones, rei patronus item pro sua parte condiciones tulisse diceretur, ut est ap. Plaut. Rud. IV. 3. 101: „TP. Equid condicionis audes ferre. GR. iam dudum fero . . . TP. Mane dum refero condicionem.“

5) „Dem Gegner einen unbillig erscheinenden Vergleichsvorschlag auch nur zu stellen . . . war nicht minder gefährlich, als einen billig erscheinenden auch nur von sich abzuweisen, und wenn die Kunst des erfahrenen Fürsprechen darin glänzte, dass er die eigene Partei sorgfältig vor einer jeden *invidia* zu behüten wusste, aber den Gegner mit wohlgewählten Conditionen in die Enge trieb, so mochte es schon zu Plautus Zeiten manchen Spitzfinder geben, welcher die schlechte Sache seines einer sicheren Ueberführung entgegengehenden Clienten durch die verwickelten und überfeinen Conditionen zu retten suchte, welche er dem Gegner anbot, und ausser sich gerieth, wenn nun gar der eigene Client statt auf die vorgeschlagene *sponsio* einzugehen hartköpfig seinen praes für den strengen Process bestellte.“

sponsione contendere malle; atque hoc ipsum asperissime fert Menaechnus, quod ille temere manifestum legis actionis periculum subire attaus sit, cum per sponsionis calumnias facillius elabi sibi licuisset, ac iure conqueritur frustra se operam clienti dedisse diutiusque sibi corruptum esse. Ad legis actionem igitur spectat commemoratio praedis, quem se daturum iste professus erat, <sup>6)</sup> vid. Gaii instit. IV. 16: „Praetor cum iubebat praedes adversario dare litis et vindictiarum, id est rei et fructuum: alias autem praedes ipse Praetor ab utroque accipiebat sacramenti, quod in publicum cedebat.“ Adde ibid. IV. 12: „nam qui victus erat, summam sacramenti postulabat poenae nomine, eaque in publicum cedebat praedesque eo nomine praetori dabantur.“

Iam ipsa verba labem manifestam contraxerunt, sed certo uti remedio difficile est: ipse postquam plura tentavi, promo, quae maxime verisimilia videntur, sed ea verecundia, qua deoet in eiusmodi locis uti. In cod. B legitur: *Aut plus aut minus quam opus erat multo dixeram controversiam Ut sponsio fieret. PE. Quid ille? qui praedam dedit.* ubi librarius Menaechni soliloquium temere Peniculi verbis interpellari existimavit: neque variant reliqui libri, nisi quod Da aut sponsio exhibet, ex palimpsesto Ambrosiano Ritschellius haec notavit: *FUER . . DIS . ODIXERAM CONTROVERSIAM UT (vel UTI) || SPONSIO FIERET . . ILLE QUI PRAEDEM.* Geminum illud aut alienum esse ab huius loci instituto apparet, sed quod Py-lade auctore plus minus emendaverunt, non est verisimile, scribendum potius: *ut plus aut minus*, quod ad librorum lectionem proxime accedit. Deinde Ritschellius ex Ambrosiani libri vestigiis dicto restituit, cum id quod ceteri libri praebent multo ferri nequeat: neque tamen palimpsesti codicis ea est auctoritas, ut omnino posthabendus sit Palatinus et qui illum sequuntur, praesertim cum hic ipsius palimpsesti lectio satis sit incerta, itaque nescio an *multus dixeram* scribendum sit, quod non sine cavillatione <sup>7)</sup> dictum est: nam cum plurima faceret verba, ut alteri negotium facesseret, ipse sibi videtur odiosus et molestus fuisse: comparari licet quod Cicero scripsit de Orat. II. 4: „Nam qui aut tempus quid postulet non videt, aut plura loquitur aut se ostentat aut eorum quibuscum est vel dignitatis vel commodi rationem non habet, aut denique in aliquo genere aut inconcinnus aut multus est, is ineptus esse dicitur.“ item ibid. II. 88: „Ne in re nota et pervulgata multus et insolens sim.“ plane quemadmodum est apud Aeschinem de falsa leg. 41: *πολὺς ἦν ἐν τοῖς ἐπαλθοῖς καὶ ἐπαχθῆς*, atque eodem modo iam tueri licet quod supra in hac ipsa Menaechnorum fabula v. 316 legitur:

Heu hercle hominem (homonem) multum et odiosum mihi.

Neque quod hoc loco *multus* cum *dicendi* vocabulo copulatur offendit, certe non plane dispar est, quod Herodotus VII. 158 scripsit: *Γέλων δὲ πολλὸς ἐνέχετο λέγων τοιαῦτα.*

Contumax autem illud *controversiae* vocabulum, quod non minus iustis versuum numeris, quam orationis perpetuitati iustum est, plane de medio tollendum esse censeo: sublato enim hoc additamento continuo omnes difficultates evanescent:

‘Ut plus aut minus quam opus fuerat multus dixeram, ut  
Sponsio fieret, quid ille? quid? praedem dedit.’ <sup>8)</sup>

Neque enim haec ad septenarios revocanda sunt, sed singuli versus ex binis colis, tetrapo-

<sup>6)</sup> Nihil enim aliud quam professionem indicant illa: *quid ille? quid? praedem dedit.*

<sup>7)</sup> Hoc cavillandi studium etiam cernitur eo, quod dicit se *plus aut minus quam opus fuerit dixisse*: satis fuit, si *plus quam opus fuerat dixit*, sed ridiculi causa addidit *aut minus*, ut solent comici poetae, quem morem infra attingam. Ceterum antiquo tempore modesti erat hominis non multa verba facere in iure.

<sup>8)</sup> Aliquando suspicatus sum non geminandum esse *quid* (altero enim loco libri qui exhibent), sed potius scribendum: *Quid ille? praedem dedit*, ut Plautus principali vocabuli forma usus sit.

dia acat. et tripodia cat. constant, quos veteres magistri tetrametros brachycatalectos vocant, plane ut est in hoc ipso cantico v. 586:

Quippe qui pro illis loquantur, quae male fecerint.

et in Menaechmis infra v. 977:

Propterea bonum esse certumst potius quam malum.

eundemque numerum iam olim in Iphigeniae Ennianae cantico revocavi (cf. quae in Jahnii Annal. 1861. IX. p. 630 monui). Solet autem Plautus in maxima numerorum varietate lubenter binos versus eiusdem generis coniungere, atque vel propterea probabile est eam speciem, quam secundus versus exhibet, etiam priori esse restituendam.

Neque obscurum est, quae origo sit importanti additamenti. Cum proximo priore versu poeta *Dixi causam, condiciones tetuli tortas confragosas* scripsisset, ut difficiles, ambiguas, periculi plenas condiciones significaret, aliquis ut vocem *confragosas* explicaret, haud inepte *controversas* addidit: sed deinde hoc interpretamentum in inferiorem versum, qui commode vacuum praebat spatium, delatum est, atque iam grammaticus aliquis, ut accomodaret reliquae orationi, *controversiam* scripsit, quae interpolatio in promptu fuit, quandoquidem adolescentuli in rhetorum ludis controversias dicere solebant. Atque cum haec interpolatio omnes codices teneat, id ipsum satis indicio est, iam antiquitus in Plautinis libris haud pauca declarandi gratia addita fuisse, quae interpretamenta cum postea saepe alienum locum occuparent, malum latius serpsit, praesertim cum grammatici emendandi officio leviter perfuncti eiusmodi errores non tam tollerent quam interpolando obscurarent: ita fit, ut libri, quibus nos utimur, cum magis magisque degeneraverint et erroris causa multiplicata sit, plurimis ac foedissimis vitiis abundant: sed imprimis in cantica Plautina eiusmodi errores se insinuaverunt: nam cum hic sermo paulo sit elatior et a vulgaris vitae usu recedat, haud pauca ad orationem explendam vel sententiam interpretandam adscripta sunt, et quo magis numerorum insignis ars ac varietas latebat, eo facilius vel manifesta additamenta tolerabantur: ita fit, ut iusta versuum ratione perspecta saepe etiam eiusmodi errores certis indiciis coarguere liceat.

Velut in Pseudulo v. 209: CA. *Taceo.* PS. *At taceas malo multo quam tacere te dicas.* BA. *Tu autem Xystylis* et quae sequuntur, nuper in Philologo XVII. 40 ostendi in archetypo

te dicas  
fuisse: *te autumes*, rarioris vocabuli interpretatione supra versum addita: deinde ut fieri solet, interpretamentum una cum germanis vocabulis propagatum et hoc mendum interpolando callide occultatum est.<sup>9)</sup> In eadem fabula v. 1264: *Neque ibi esse alium alio odio ibi nec molestum*, cum odio esse ambiguum videretur, adscriptum est *nec molestum*, quod mendum iam ab aliis est animadversum. Nonnunquam ipsum interpretamentum id vocabulum, cuius declarandi causa adscriptum erat, prorsus exturbavit, velut in Pseudulo v. 1257 *venustates sunt* legitur, ubi Plautus haud dubie *veneres* scripserat. At in eodem Pseuduli cantico delitescit aliud mullo gravius mendum, quod satis arguit quam vitiosi sint libri et per quos gradus serpserit corruptela. In cod. B haec leguntur v. 1252:

Profecto edepol ego nunc probe habeo madulsam.  
Ita victu excurato ita munditiis digni ah  
Itaque in loco festivo sumus festive accepti  
Quid opus me multas agere ambages? hoc est  
Homini quam ob rem vitam amet.

Miror homines doctos haec tam patienter tulisse, imprimis insolens illud et scabrum: *est homini quam ob rem vitam amet*, quod latinum esse nego. Excidissee hic aliquod vocabulum manifestum est, sed commode licet restituere. Scripserat Plautus:

<sup>9)</sup> Si iam in archetypo extremas litteras vocis *autumes* propemodum evanidas fuisse credimus, facile intelligitur, quam pronus fuerit iste error.



Profecto edepol ego nunc probe  
 Habeo madulsam: itaque in loco.  
 Festivo sumus accepti,  
 Ita victu exaurato, ita magna munditia.  
 Quid opus est me multas agere ambages: hoc est homini dignum,  
 Quam ob rem vitam amet.

Erroris originem monstrat Ambrosianus, in hoc enim, quamquam pleraque oblitterata sunt, haec tamen legi poterant:

ITAV

DIGN

QVIDOPVSESTMENVLTASAGEREAMBAGESHOCESTHOMINI

Itaque cum hic versus, qui paginae ultimus est, non caperet novissimum vocabulum dignum, illud est supra additum ac deinde temere cum priore versu coaluit. Ceterum iustum versuum ordinem servatum esse in Ambrosiano apparet: sed in codice B et ceteris traieci sunt duo versus, itaque mendum magis etiam occultatum: offendit autem librarium, quod particula itaque orationem inchoat, deinde bis simplex ita subsequitur, itaque ille versibus traiectis iustum versuum ordinem restituisse sibi visus est: <sup>10)</sup> deinde vero, quandoquidem vox dignum nullo modo cum reliqua oratione conciliari poterat, interpolator ille digni scripsit, malum malo curans, prorsus ut in Menaechmis controversas in controversiam est mutatum. Parti-

cula ah unde invecta sit incertum, fortasse in proximo versu olim scriptum fuit <sup>ac</sup> cepti. <sup>11)</sup> Ceterum ne diverbia quidem, quae senariis aut septenariis constant, ab interpolationibus huius generis libera sunt, sed cum leges horum versuum non plane ignorarentur, accessit hic plerumque correctorum opera, ita ut haud raro malum etiam auctum sit, quod facile criticorum hominum acumen fugit. Defungar uno exemplo: in Menaechmis v. 63 legitur:

Nam rus ut ibat forte ut multum pluverat,  
 Ingressus fluvium rapidum ab urbe haud longule,  
 Rapidus raptori pueri subduxit pedes,  
 Abstraxitque hominem in maximam malam crucem.

Non deerunt, credo, quibus neglecta orationis legitima continuatio valde probabilis videatur, quamquam in hac narrationis tenuitate nihil omnino inest, quod alias eiusmodi licentiam excuset: augetur foeda scabrities eo, quod in apodosi adiectivum solum omisso nomine iteratum est, quod quantopere a latini sermonis usu abhorreat, Ritscheliussensisse videtur: sed quod ex coniectura pronomen is inseruit, non magis ferendum est. Equidem corripo:

Ingressus fluvium rapidum ab urbe haud longule.  
 Rapidus raptori <sup>pueri</sup> fluvius subduxit pedes.

Scriptum olim fuit in archetypo rapidus raptori fluvius, deinde hoc interpretamento recepto, cum verum laborare animadvertissent, adventicium quam necessarium vocabulum conservare maluerunt.

Sed revertar ad Menaechmorum locum, unde profectus cum: namque etiam ea, quae hos versus antecedunt et quae subsequuntur, vitiorum haud sunt immunia, itaque primum

<sup>10)</sup> Itaque apud Plautum haud raro usurpatur, ubi simplex ita sufficere videtur, ut est in Epidico I, 1. 77: *Tantae in te independent ruinae, nisi suffulcis fortiter, Non potes subsistere: itaque in te irruunt montes mali.* Adde Persae v. 481, quem locum minus recte tentavit Ritscheliussensisse videtur, qui etiam v. 505 et 242 mutavit, de quibus locis ambigere licet. Alia exempla suppeditabit Handius Tursell. III. 508. Quod hoc loco deinde per anaphoram sola vocula ita repetitur, rationem habet, quamvis aliud exemplum non noverim. Sed si quis propterea ita in loco scribere malit, equidem non adversabor.

<sup>11)</sup> Habeo madulsam codices praebent, corrigunt abeo madulsa, de qua coniectura dixi in Jahnii Annal. 1860. VI. p. 382. Deinde festive, quamvis cum consuetudine Plautina congruat, ab aliena manu additum esse numeri lex coarguit. V. 4 magnis, quod in B omissum est, servaverunt CD. V. 6 amet libri ut videtur omnes, Ritscheliussensisse videtur, qui et ut opinor invitus agat scripsit.

omnem locum, quemadmodum mihi emendandus esse videtur, subiiciam, tum vero ea, quae novavi, paucis illustrabo ac muniam:

Qui neque leges neque aequum bonum usquam colunt;  
Sollicitos patrones habent: denegant quod datumst, litium pleni,  
Rapaces, viri fraudulenti,  
Qui aut fenore aut periuriis  
Habent rem paratam, pensei ninquelam rem.  
His viris ubi dicitur dies,  
Simul patronis dicitur,  
Quippe qui pro illis loquantur, quae male fecerint.  
Aut ad populum aut in iure aut ad iudicem rest.  
Sicut me hodie nimis sollicitum quidam habuit cliens, neque  
Quod volui agere, aut quicum licitum est: ita me attinuit, ita detinuit.  
Apud aediles pro eius factis plurimisque pessumisque  
Dixi causam: condicioes tetuli tortas confragasas.  
Ut plus aut minus quam opus fuerat, multus dixeram, ut  
Spensio fieret, quid ille? quid? praedem dedit.  
Nec magis manifestum ego hominem unquam ullum teneri vidi:  
Omnibus malefactis testes tres aderant acerrimi.

V. 579 et qui sequuntur Hermannus sic descripsit, ut primores essent trimetri bacchiaci catalecti, atque secutus est hoc etiam Ritschelinus:

Sollicitos patrones habent:  
Datum denegant, quod datumst.  
Litium pleni, rapaces,  
Viri fraudulenti.

Nuper autem Andreas Spengel in commentatione, quam de versuum creticorum usu apud Plautum scripsit, p. 13 negavit insolens hoc et satis asperum numerorum genus in hoc poeta admittendum esse. Iuvenis doctus diligentem canticis Plautinis navavit operam, maxime eo nomine laudandus, quod neque ut mancipiorum vulgus se alieno imperio ac legibus addixit, nec vero temere omni modestia ac pudore abiecto plane pro lubricae grassatur, sed arte ac ratione usus leges, quas Plautus in versibus conformandis secutus sit, sedulo indagare studuit, ita ut quantum fieri potest librorum fidem religiose tueretur. Sed cum quid huius poetae usui conveniat, quidve discrepet, probabilibus momentis exstimat, nonnunquam paulo cupidius iudicavit, velut negat omnino fieri potuisse, ut Plautus versus Sotadeos in canticis adhibuerit, specioso magis quam vero usus argumento, quod isti versus melodiae omnino fuerint expertes. Illud constat, poemata Sotadis et reliquorum, qui eius sectam sequebantur, recitata esse, sed videtur Sotades hoc primus novavisse, nam principio ionici numeri, qui ἀπὸ μελίζωνος vocantur, haud dubie canentibus erant accommodati, idque etiam postea (Cleomachus,<sup>12</sup>) Lysis, Simus tenuerunt: atque melicos numeros agnoscimus etiam in Lycophronidis<sup>13</sup>) versibus ap. Athen. XIII. 564. A, ubi cum logaoedis consociantur ionici:

Οὔτε παιδὸς ἄρρενος οὔτε παρθένων  
Τῶν χρυσοφόρων οὔτε γυναικῶν βαθυκόλπων  
Καλὸν τὸ πρόσωπον, ἂν μὴ κόσμιον πεφύκη.<sup>14</sup>)  
Ἡ γὰρ αἰδῶς ἄνθος ἐπισπείρει.

<sup>12</sup>) Cleomachi nomen restituendum est apud Atilium Fortunat. p. 345: (Ionicum) tetrametrum catalectum, quod apud Maecenatem invenitur, ex duobus colis coniunctum:

Uvas nitidis frondibus Euhæ hederis inligat.

ubi cod. Vat. non Maecenatem, sed Cleomachum exhibet, igitur Cleomachum legendum esse apparet.

<sup>13</sup>) Lycophronides qua aetate vixerit, non constat: sed cum Clearchus Aristotelis discipulus eius versibus usus sit, aetate Sotadi suppar vel etiam prior fuerit necesse est.

<sup>14</sup>) Scripsi ἂν μὴ κ. πεφύκη, in libris est ἀλλὰ κ. πεφύκει, quod correxit Meinekianus, nisi quod

Sane ab atticae comoediae instituto et more Sotadei numeri abhorrent, at vero Plautinorum canticorum longe alia est ratio: nihil his simile Philemonis, Menandri, aliorum poetarum, quorum fabulas interpretatus est, praebebant: neque tamen poeta quamvis ingeniosissimus hoc carminum genus novavit, sed partim tragicorum Latinorum exemplum secutus est plane ad eundem modum, quo Aristophanes graecorum tragicorum canticis uti solet, partim ut mihi quidem persuasum est ad similitudinem cinaedologorum et fortasse carminum popularium, quae ista aetate pervagata erant, conformavit: quae carmina utrum in magnae Graeciae uribus an Romae commercio Graecorum hominum usus cognoverit, in medio relinquo, quamquam illud verisimilius esse arbitror. Ab indole autem Plautinae comoediae Ionici versus minime abhorrent, sed Hermannus hos numeros quo iure aliquot locis restituerit, hac de re sane ambigere licet. Illuc revertar.

Quod Spengelius bacchiacos versus catalecticos propter asperitatem improbat, huic quidem argumento non multum tribuo, siquidem dochmiacus versus et ipse a principio fuit dimeter bacchiacus catalecticus. Sane Spengelius etiam dochmiacos numeros Plauto abiudicat, quos Hermannus primus indagavit, probante Ritschelio: ac profecto dochmiaci numeri vestigia exigua sunt, exempla partim dubia, partim falsa,<sup>15)</sup> non tamen ausim hoc numerorum genus, quod passim convenientissimum est, ex Plautinis fabulis penitus tollere. Itaque hoc argumento liceat nobis uti ad muniendam catalexin reliquorum versuum, qui ad bacchiacum numerum digesti decurrunt. Verum cum identidem examinarem eiusmodi versus catalectos, satis intellexi plerumque admodum dubiam esse fidem horum versuum, quorum Hermannus haud exiguum numerum sibi deprehendisse visus est, quem auxerunt etiam nostra aetate Ritschellius et Fleckeisenus Hermannii exemplum secuti. Neque vero credo hos viros de Plauto emendando meritissimos propterea, quod ipsis magnopere placuerit numerorum insolentia (Graeci certe poetae non videntur hac specie<sup>16)</sup> usi esse) catalectos versus descripsisse, sed saepe accidit, ut cum de restituendo metro numerisque apte partiendis propemodum desperandum esse videretur, ad hanc speciem paene inviti deferrentur: nonnunquam vel adversantibus libris omnibus restituerunt catalecticos versus, item admiserunt, ubi in promptu erat alia et commoda versuum descriptio, saepius in locis, quae manifestam labem contraxerunt, hac clausula usi sunt. Si

ἐὰν scripsit. In locis paribus Sotadeorum dipodiae trochaicae ultimam syllabam subinde longam esse auctor est Aristides Quintil. p. 55: *Τροχαϊκὴν δὲ δέχεται διποδίαν κατὰ μὲν τὴν περιττὴν χώραν καθάραν, κατὰ δὲ τὴν ἄρτιον καὶ ἐπτάσημον. Καλὸν* videtur Lycophronides producta priore syllaba adhibuisse.

<sup>15)</sup> In Bacchidibus v. 1137 Ritschellius plane delendum censuit. In Menaechmis v. 763: *Repente expetit me ut ad sese irem*, qui videtur dimeter dochmiacus esse, sic potius scribendus est, ut iam alio loco significavi:

*Repente expetit med, ut ad sese adirem.*

<sup>16)</sup> Nihil moror Tricham, qui p. 52 etiam catalecticos versus recenset, sed exempla quae profert ipse finxit. Possis sane versus, qualis est in Aeschyli Agamemnone 1041:

*Ἀγνιάτ', Ἀπόλλων ἐμός.*

pro trimetro bacchiaco, item v. 1062:

*Δυσίατον · ἀλλὰ δ' ἐκὰς ἀποστατεῖ.*

pro tetrametro habere: sed quoniam in baccheis, qui huius numeri indolem integram servant, non solet longa syllaba in breves solvi, potius existimandum est, baccheos cum dochmiis esse copulatos: nam quamvis dochmiaci numeri origines a baccheis sint repetendae, tamen peculiaris quaedam postea fuit illius numeri ratio, neque videtur varietas ac licentia, qua dochmii sunt insignes, ad baccheos propagata esse, quamvis utraque species saepius consocietur. Neque tamen abutendum est hoc argumento ad latinorum comicorum versus, qui clausula terminari videntur, expediendos: neque enim hi admixtos habent dochmios, sed solis Baccheis constant. Cum in tragoediis Graecorum dochmiaci numeri latissime pateant, hisque passim tantum adiunguntur bacchei, contra in comoediis latinis bacchei frequentissimi sunt, neque solum societatem cum aliis numeris ineunt, sed etiam continuantur, cum dochmiorum magna sit paucitas: nec denique solutiones in baccheis fugiunt latini poetae.

ab his discesseris, pauca admodum reliqua sunt exempla, ubi neque incerta sit versuum descriptio, neque ipse sermo vitiosus, sed hic quoque licet ubique facili negotio integrum versum restituere: sin tamen quis tribus his vel quattuor locis clausulam tueri velit, equidem haud adversabor: nam a ratione hanc versus speciem non abhorrire iam supra professus sum, et quemadmodum dies multa docet, fieri potest, ut paucissima haec exempla postmodo aliis multis et certis stabiliantur, illud vero teneo, non esse eiusmodi versus proprio periculo restituendos, neque admittendos, nisi necessitas postulaverit. Iam cum Spengelius attigerit tantum hanc quaestionem, quam mihi hoc canticum redintegranti non licet detrectare, clausulae illius exempla, quotquot in adversariis adnotata habeo,<sup>17)</sup> singillatim examinabo.

Sed propter operarum moras quae de his commentatus sum ad aliam opportunitatem sive necessitatem academicam reservanda sunt.

Scr. die IV m. Januarii.

---

<sup>17)</sup> Quod eas fabulas fere solas adhibui, quas Ritscheliuss recensuit, non reprehendent, qui sciunt, quantopere idoneis subsidiis destituti simus in ceteris comoediis Plautinis, ut aegre ab errore cavere possimus.

---